

Аёл меросхўрлар (бешинчи мақола)



11:00 / 16.03.2020 1582

8. Она бир опа-сингил.

Она бир опа-сингилларнинг меросдаги ҳақлари ҳам худди ота бир ака-укаларнинг меросдаги ҳақларига ўхшайди. Ота бир ака-укаларнинг меросдаги ҳақлари юқорида баён қилинди.

9. Хотин.

Хотиннинг мерос олиши икки хил бўлади:

Биринчиси:

Эрнинг фарзанди бўлмаса, хотин мероснинг тўртдан бирини олади. Эрнинг фарзанди мерос олувчи аёлданми ёки бошқа аёлданми, фарқ қилмайди.

Иккинчиси:

Эрнинг фарзанди бўлса, хотин мероснинг саккиздан бирини олади.

Хотиннинг мерос олишдаги ҳаққининг далили Қуръони Каримда келган:

«Уларга – агар болангиз бўлмаса – сиз қолдирган нарсанинг чораги. Агар болангиз бўлса, уларга сиз қолдирган нарсанинг саккиздан бири. Сиз қилган васият ёки қарз (адо этилган)дан сўнг» («Нисо» сураси, 12-оят).

10. Қул озод қилган аёл.

Озод қилинган қулнинг фарз эгалари ва асабалари бўлмаса, унинг меросини уни озод қилган аёл олади. Шунингдек, аёл киши озод қилган собиқ қул кейин ўзи ҳам бошқа бир қулни озод қилган бўлса ва ўша кейин озод қилинган киши вафот этиб, унинг фарз эгалари ҳамда асабалари йўқ бўлса, унинг валосини ҳам мазкура хожа ойим олади.

(Тамом)

«Ҳадис ва ҳаёт» китобидан